



Valdleiarar i Stad kommune

Vår ref:

Sak: 24/2253 JpID: 24/33525 Sbh: LVB

Dykkar ref.

Dato:

12.08.2024

Informasjon før jakta 2024

Hjortejakta nærmar seg og som tidlegare år sender vi hermed informasjon om jakta til leiarar i valda.

Som leiar av eit vald er du ansvarleg for at informasjonen i dette brevet vert spreidd til jegerane som jaktar i ditt område. Vedlagt er eit årshjul over valdleiar sine arbeidsoppgåver gjennom året.

Oppsummering av viktig informasjon:

- Alle vald må ha på plass ettersøksavtale før jakta startar. Ved private avtalar (dvs ikkje med ettersøksringen) skal avtalen sendast til kommunen. (Vedlagt er skjema frå Gloppen ettersøksring for dei som ønskjer å fornye avtale der).
- Fellingsrapport skal leverast av valdleiar **innan måndag 6. januar 2025**. Fellingsrapport leverast på skjema eller digitalt gjennom hjorteviltregisteret. Det skal informerast om kjønn og alderskategori på alle felte dyr, **inkludert kalv skote på kvotefri jakt**. Det forventast at jeger undersøker kjeven på felte dyr for å rapportere inn rett alderskategori.
- Alle godkjente vald kan nytte seg av kvotefri jakt på kalv.
- Det har kome ny versjon av appen «sett og skutt». Denne må lastast ned på nytt og den gamle kan avinstallerast.
- Kjevelappar kan hentast på rådhuset.
- Dyr med halsband frå merkeprosjektet «Vesthjort» skal ikkje fellast. Sjå eigne rutinar ved felling av merka hjort (med eller utan halsband) eller tilhøyrande kalv.
- Fellingsavgifta i Stad er:
 - Vaksen: kr 480
 - Kalv: kr 73
- **Haustteljing:** Haustteljing gjennomførast av valda 16. og 23. august. Meir informasjon under.

Jakttida

Jakttida for hjort er 1. september til og med 23. desember.

Ettersøkshund / Ettersøksavtale

Alle jaktlag og personar som jaktar åleine, skal ha tilgang på godkjent ettersøkshund. Ei avtale må vere på plass innan jaktstart. Storvald kan teikne ei kollektivavtale for heile valdet (alle jaktfelte).

Jaktfelt og vald som vil nytte seg av private hundar har høve til det. Dokumentasjon på tilgang til godkjent ettersøkshund må sendast til kommunen innan jakta startar. Liste over godkjente hundar og eigarar er tilgjengeleg på [Norsk Kennel Klub sine nettsidar](#). Vald i gamle Eid kommune som har avtale med Stad ettersøksring treng ikkje å melde i frå om avtale.

Informasjon frå ettersøksringen om kva ein skal gjere om dyret ikkje dett etter skot er vedlagt.

Haustteljing

Det har vore tradisjon i Eid kommune å gjennomføre haustteljing før jakta. Dette er ein fin måte å få oversikt over situasjonen i forkant av jakta og kan brukast i samanheng med vårteljing og sett hjort til å følgje med på trendar.

Teljedato er fastsett til dei siste to helgane før jaktstart (so lenge det ikkje er same helg som jaktstart). I år blir siste teljedato for nær jaktstart slik at teljingane blir utført 16. og 23. august (natt til laurdag). Teljingane gjennomførast på same måte kvar gong akkurat som vårteljing og resultatet kan sendast til kommunen.

Det bør teljast over store områder, slik at samarbeid på tvers av jaktfelt/vald kan vere nødvendig. Teljinga er lettaste å gjennomføre når to stk. samarbeider i bilen, ein lyser med tusenmeters lykt og tel dyra (ved hjelp av kikkert), den andre noterer på skjema. Det er dyr som står på INNMARK som skal teljast. Om andre hjelpemidlar vert nytta skal det noterast ned. Noter ned tidspunkt og anna relevant informasjon på vedlagt skjema.

Sett og felt hjort

Stad kommune oppmodar om å registrere sett og felt hjort på appen sett og skutt eller gjennom www.hjorteviltregisteret.no. Dette er enkelt å bruke og alt ein treng for å logge inn er jegernummer og fødselsdato. **Hugs å føre inn alle jakt dagar, og dei som det ikkje vart sett hjort.**

Det har kome ny versjon av appen «sett og skutt». Denne må lastast ned på nytt og den gamle kan avinstallerast.

Om alle felte dyr vert registrert i Hjorteviltregisteret gjer det valdleiar sin jobb enklare og valdet kan levere digital fellingsrapport til kommunen i etterkant av jakta.

Fellingsløyve og fellingsrapport

Fristen for å levere fellingsrapport er **måndag 6. januar 2025**. Det er valdansvarleg/valdleiar som skal rapportere for heile valdet – ikkje leiar av jaktfelt. Fellingsrapport skal leverast digitalt i Hjorteviltregisteret (sjå under) eller i tabell nedst på fellingsløyve. Vald som ikkje jaktar eller feller dyr skal informere om dette skriftleg.

På grunn av rapportering vidare til Statistisk sentralbyrå er det sær s viktig at fristen vert overhalden.

Digital fellingsrapport i Hjorteviltregisteret

Valdansvarleg kan levere fellingsrapporten digitalt gjennom Hjorteviltregisteret viss alle felte dyr er registrert inn. **Valdansvarleg må kontrollere at alle felte dyr er registrert**, legge til manglande informasjon og rette eventuelle feil, før fellingsrapport kan leverast. Alle jakt dagar og felte dyr må godkjennast av valdansvarleg i Hjorteviltregisteret før den elektroniske fellingsrapporten kan leverast. **Vedlagt er ein rettleiar på korleis digital fellingsrapport leverast.**

Når digital fellingsrapport er levert får valdleiar tilsendt kvittering på e-post. **Fekk du ikkje e-post? Sjekk med kommunen om fellingsrapporten er levert.**

Hjort med halsband skal ikkje fellast – egne rutinar for felling av merka hjort eller tilhøyrande kalv

Det er framleis merka dyr med GPS halsband i Gloppen kommune. Dei fleste har mista halsbanda, men har framleis øyremerke synlege. Det er ikkje ønskeleg å felle merka hjort med halsband. Merka

hjort utan halsband, eller kalven til merka hjort kan fellast, men då skal skjemaet «[felt merka hjort](#)» fyllast ut. Dyret må i tillegg bli nøyaktig vege, kjeve takast ut og reinskjerast, og eit øyre skal leggest i ein plastpose og frysast. GPS-halsband må handterast best mogleg. Det må skrus av, ikkje fjernast med kniv! NIBIO ønskjer og posisjon for felling på kart.

Kvotefri jakt på kalv

Alle godkjente vald i Stad kommune kan nytte seg av kvotefri jakt på kalv. Kvotefri jakt på kalv kjem i tillegg til tildelte løyve. I praksis kan kvar enkelt grunneigar/jaktrettshavar felle eit fritt tall kalvar på sin eigendom, men kan og gi løyve til andre. Meir informasjon, samt spørsmål og svar, ligg på hJORTEVILT.NO.

Jaktleiar, eventuelt jeger/jaktrettshavar, er ansvarleg for at alle felte kalvar, uavhengig av kvote eller ikkje, rapporterast inn. Valdleiar er ansvarleg for å sende inn fellingsrapporten som skal inkludere all felt hjort. Det skal betalast fellingsavgift for alle felte dyr, inkludert eventuelle ekstra kalvar.

Kvifor skyte kalv? Kalven har naturleg høgare dødelegheit, spesielt gjennom ein hard vinter. Hjorteviltbestandane er frå naturens side tilpassa eit høgt uttak av kalv. Ved høg bestandstettleik er det ofte ungdyra (kalven frå hausten før) som taper i beitekonkurransen på sommaren. Eit høgt uttak av kalv vil gje betre levevilkår til overlevande ungdyr sommaren etter.

Kommunale mål om alder, vekt og kjønnsfordeling

Produksjonsdyra av begge kjønn er viktige og det er eit mål om å auke snittalderen i kommunen. For å auke snittalderen må dei eldre dyra få lov til å bli enda eldre og det er difor viktig å ha fokus på å ta ut ein større del kalv og ungdyr.

Det er eit mål om å auke slaktevektene til dyra, og då må uttaket fokusere på dei minste dyra av begge kjønn. Det er mange som vegrar seg for å skyte fjorkolle fordi det ofte viser seg å vere ei lita kolle på 2,5 år og vi er klar over at det er vanskeleg å sjå forskjell. Alle kan ta feil og ein må ikkje la vere å skyte kolle sjølv om ein er usikker. Om felte dyr vert registrert med alderskategori og vekt, kan valdleiar forklare eventuelle skeivheitar i kolleavskyting til kommunen ved levering av fellingsrapport.

Ved høgt uttak av kalv og ungdyr er det viktig å halde eit høgt jakttrykk generelt for å unngå vidare auke i bestandstettleiken. Sjølv om sett kolle per bukk syner gode tal på bukk, er fordelinga skeivt fordelt i kommunen og på generelt grunnlag er det difor viktig å halde eit kjønnsnøytralt uttak, og aller helst ha ei overvekt av koller i uttaket i dei fleste valda.

Fellingsavgift

Etter at retningslinene for viltfondet blei reviderte i 2022, blir fellingsavgifta endra til kunn to kategoriar; vaksen (1,5 år og eldre) og kalv. For vaksen hjort vert satsen maks sats og for kalv vert den ¼ av maks sats. Fellingsavgifta er i 2024 kr 480 for vaksen hjort (1,5 år og eldre) og kr 73 for kalv. Avgifta vert innkrevd med faktura frå kommunen.

Leiarskifte i jaktfelt og vald

Dersom jaktfelt eller jaktvald vel ny leiar, skal kommunen få melding om dette. Kommunen skal alltid ha oppdatert informasjon om valdansvarleg (namn, postadresse, e-postadresse og telefonnummer).

Skrantesjuka

Skrantesjuka (CWD) blei påvist for første gang i Europa i april 2016 hjå ein villrein i Lærdal. Skrantesjuka rammer berre hjortedyr og det skal ikkje vere fare for smitte til menneske.

Symptom på at ein hjort er smitta med skrantesjuka:

- Unormal oppførsel
- Hyppig urinering

- Avmagring
- Ukoordinert rørsle
- Sikling
- Senka hovud

Alle som feller eller observerer hjort som dei mistenker kan vere smitta av skrantesjuka, skal melde frå til mattilsynet (tlf. 22 40 00 00) og gjerne informere kommunen (SMS til tlf. 48 18 91 12).

Meir info om skrantesjuka finst på heimesida til Hjortevilt: <http://www.hjortevilt.no/skrantesjuka/>

Rådyr

Dersom de ser rådyr under jakta, vil vi på landbrukskontoret gjerne ha melding om dette.

Skitt jakt, med høg fellingsprosent og balansert uttak!

Med venleg helsing

Lindis Bergland Østgård
utmarksforvaltar landbruk Gloppen og Stad

Dokumentet er elektronisk godkjent og har derfor ingen signatur

Ver venleg å oppgje referansenummer 24/33525 dersom du tek kontakt med oss.

Vedlegg

Aldersbestemming av hjort	1692616	08.08.2024
Sjekklister ved skadeskyting for jaktlag - Stad kommune	1692617	08.08.2024
Valdansvarlig - behandle data fra sett og skutt og elektronisk fellingsrapport	1692618	08.08.2024
Årshjul valdansvarleg - Stad	1692619	08.08.2024
Skjema for haustteljing Stad	1692621	08.08.2024

Mottakere

Valdleiarar i Stad kommune